

## INFORMACIJA

### **o zaduženja po Sporazumu o zajmu i projektu između Kreditanstalt für Wiederaufbau (KfW), Bosne i Hercegovine, Federacije Bosne i Hercegovine i Javnog Preduzeća Elektroprivreda Bosne i Hercegovine d.d. Sarajevo za Projekat izgradnje hidroelektrane Janjići**

Na osnovu rezultata Studije izvodljivosti finansirane iz grant sredstava Kreditanstalt für Wiederaufbau (KfW) iz Frankfurta na Majni, kojom je potvrđena tehnička i ekonomska opravdanost Projekta izgradnje hidroelektrane Janjići, KfW je u decembru 2012.godine izvršio procjenjivačku misiju i pokrenuo postupak odobravanja kredita za navedeni Projekat.

Od strane Javnog preduzeća Elektroprivrede Bosne i Hercegovine d.d. Sarajevo (JP EPBiH), Federalnom ministarstvu financija dostavljen je zahtjev kojim je pokrenuta inicijativa za odobravanje zajma kod Kreditanstalt für Wiederaufbau (u KfW), za realizaciju Projekta izgradnje hidroelektrane Janjići, u iznosu do 30 mil. EUR-a.

Vlada Federacije BiH je na svojoj 85. sjednici održanoj 31.10.2013. godine usvojila Zaključak broj: 1271/2013, kojim je podržala inicijativu da se zaduženjem kod KfW-a, osiguraju sredstva za realizaciju Projekta izgradnje hidroelektrane Janjići.

U skladu sa usvojenim zaključkom Vlade FBiH, u periodu od 10.02. do 13.02. 2014. godine, u Frankfurtu su održani pregovori o nacrtu Sporazuma o zajmu i projektu za financiranje Projekta izgradnje hidroelektrane Janjići, kojim su prisustvovali predstavnici KfW-a, Ministarstva financija i trezora BiH, Federalnog ministarstva financija i JP EPBiH.

Sredstva zajma, po navedenom Sporazumu, odobravaju se Federaciji pod slijedećim uslovima:

- rok otplate.....15 godina
- grace period.....4 godine
- naknada za neiskorištena sredstva.....0,25 % godišnje
- kamatna stopa.....utvrđena na bazi efektivnih troškovi refinansiranja KfW na tržištu kapitala za euro +/- marža i utvrđuje se na dan potpisivanja Sporazuma o zajmu i projektu.
- naknada za upravljanje zajmom je.....1 % jednokratno
- dospijeće.....polugodišnje u jednakim otplatama glavnice
- datum plaćanja glavnice i kamata.....30. juni i 30. decembar svake godine.

Hidroelektrana Janjići je smještena blizu magistralnog puta M17, 60 km sjeverno od Sarajeva i 10 km južno od Zenice. Lokacija predviđenog postrojenja je na rijeci Bosni nizvodno od ušća rijeke Lašve na oko 2 km, blizu naseljenog mjesta Janjići. Buduće područje akumulacije, sa planiranom kotom normalnog uspora od 341,30 mnm, se prostire uzvodno u dužini od 1,9 km. HE Janjići, sa pretpostavljenim instalisanim kapacitetom od 13,2 MW, će biti klasična protočna elektrana i radiće pod nominalnim opterećenjem (nema oscilacija vodnog režima) s ciljem postizanja maksimalne proizvodnje električne energije sa konstantnom maksimalnom kotom uspora s jedne strane i minimalnim uticajem nizvodno od grada Zenice s druge strane. Protok iz akumulacije je jednak protoku u akumulaciju, a protok u rijeci nizvodno od brane je prirodni protok rijeke.

Prednosti koje se očekuju provođenjem ovog Projekta su:

- uvođenje dodatnih 68 GWh godišnje električne energije na postojeću električnu mrežu BiH, koristeći hidro-energiju bez zagađenja,
- povećanje sigurnosti u snabdijevanju električnom energijom,
- dalji rast ekonomije BiH, i
- doprinos zaštiti klime i okoline.

Za finansiranje Projekta, u Budžetu Federacije BiH nije potrebno osigurati dodatna finansijska sredstva za sufinansiranje.

Krajnji korisnik i dužnik po ovom kreditnom zaduženju bit će JP EPBiH.

Imajući u vidu navedeno, Vlada Federacije Bosne i Hercegovine utvrđuje prijedlog Odluke: